



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIAL

Komunikadu Imprensa

28 Outrubru 2013

Kestaun abandona família no labarik sai preokupasaun autóridade lokál Suku Bobocase durante treinamentu kona-ba asesu ba justisa

Iha 23 Outubru 2013 *Judicial System Monitoring Programme* (JSMP) liuhusi Unidade LRU no Programa Observasaun Parlamentu (POP) hala'ó treinamentu kona-ba “Asesu ba Justisa” iha Suku Bobocasse, Sub distritu Pante Makassar, Distritu Oe-Cusse. Partisipantes ne'ebé partisipa iha treinamentu ne'e ho total ema nain 30 ne'ebé kompostu husi feto ema nain 17 no Mane nain 13.

Matéria treinamentu ne'e kobre asuntu sira kona-ba direítu ema nian, knaar juis, prokurador, advogadu privadu no defensor públiku, klasifikasaun kazu krime, sira no oinsa comunidade sira bele prosesa kazu krime sira tuir sistema justisa formal. Iha treinamentu ne'e partisipantes sira preokupa barak liu kona-ba kazu abandona família no labarik sira.

“Treinamentu ne'e importante tebes ba comunidade hodi hasa'e sira nia koñesementu iha área justisa, liu-liu ba lideransa komunitária ho sira ninia estrutura tomak hodi bele kontinua fahe informasaun legál ba comunidade ne'ebé seidak iha koñesimentu kona-ba lei no dalan ba justisa formál,” dehan **Direitór Ezekutivu JSMP, Luis Oliveira Sampaio**.

Iha abertura ba treinamentu ne'e Xefe Suku Bobocasse **Virgilio de Deus** agradese ba JSMP tanba bele realiza ona treinamentu importante ne'e, iha sira nia suku. Xefe suku husu ba partisipantes sira atu bele fahe tutan informasaun sira ne'ebé hetan durante treinamentu ne'e ba comunidade sira seluk. Nia mos agradese ba JSMP tanba bele esplika materia ne'e ho lian lokál Baikenu no rekomenda katak treinamentu hanesan ka treinamentu seluk sei bele kontinua hala'ó iha sira nia suku to'o iha sira nia aldeia sira.

Tuir planu treinamentu hanesan sei realiza iha antes fim de Outubru 2013, iha Distritu Lospalos.

Atividade treinamentu ne'e realiza tanbá hetan suporta husi Finlandia.

Atu hetan tan informasaun kompletu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPl